



**Comhairle Contae
Dhún na nGall**
Donegal County Council

Anailísí Tionscadail - Oifig Bhainistíochta Bóithre

Eolas d'Iarratasóirí

Meitheamh 2024

1. An Post

Tá an an Chomhairle ar lorg iarratas ó iarrthóirí a bhfuil na cáilíochtaí cuí agus taitní ábhartha acu faoi choinne post mar **Anailísí Tionscadail, Oifig Bhainistíochta Bóithre**. (ar aon nós le Grád VII)

Tuairisceoidh an t-iarrthóir rathúil don Innealtóir Sinsearach, Oifig Bhainistíochta Bóithre nó d'aon duine iomchuí eile de réir mar a chinnfeadh an Chomhairle, ó am go ham.

Cúlra

Is í Comhairle Contae Dhún na nGall an t-údarás ceannais don Oifig Bhainistíochta Bóithre (OBB). Is seirbhís chomhroinnte í OBB idir údaráis áitiúla agus soláthraíonn sí seirbhísí dóibh a bhaineann lena bhfeidhm mar údarás bóithre. Cuimsíonn siad seo tacaíocht theicniúil faoi choinne cheadúnú na n-oibreacha bóithre, bainistíocht cosán coisithe agus éifeachtúlacht fuinnimh na soilse poiblí. Bíonn an oifig ag obair le gach údarás áitiúil, le Bonneagar Iompair Éireann agus le fónais mar aon le ranna rialtais lena n-áirítear an Roinn Iompair, Turasóireachta agus Spóirt (RITAS).

Tá an oifig freagrach as forbairt agus forfheidhmiú an tacair de bhogearraí MapRoad in údaráis áitiúla agus i measc sealbhóirí ceadúnais. Cuimsíonn na córais seo méideanna suntasacha sonraí, rud a sholáthraíonn méadrachtaí úsáideacha d'údaráis agus do pháirtithe leasmhara eile ach iad a phróiseáil agus a úsáid in éineacht lena chéile. Is mian leis an oifig Anailísí Tionscadail a fhostú d'fhonn tuairisciú ó na córais seo a fhorbairt agus a chur i bhfeidhm.

2. An Ról, Freagrachtaí & Dualgais

Tacóidh an tAnailísí Tionscadail leis an Innealtóir Sinsearach, Oifig Bhainistíochta Bóithre agus le haonaid ghnó eile ina gcuid oibre le páirtithe leasmhara.

Beidh an t-anailísí tionscadail lárnach sa bhainistiú sonraí san oifig, agus é nó í ag gabháil d'athbhreithniú ar riachtanais na bpáirtithe leasmhara iolracha, ag forbairt agus ag cur i láthair réitigh faisnéise sheasmhacha den scoth. Bainfidh sé nó sí feidhm as na tacair sonraí is fearr a bheas ar fáil lena ligean do pháirtithe leasmhara tuairisciú a dhéanamh go himmheánach agus go seachtrach, tuairiscí a cheistiú, dul chun cinn a rianú agus comparáid a dhéanamh idir feidhmíocht agus riachtanais, caighdeáin, príomhtháscairí feidhmíochta srl.

Cuirfidh sé nó sí tacaíocht ar fáil do gach ceann de na haonaid laistigh den OBB (Cosáin, Ceadúnú agus Soilse Poiblí) i dtaca le gach gné den tuairisciú sonraí. D'fhéadfadh sé go gcuimseodh sé seo:

- Cuidiú le haonaid OBB i dtaca le faisnéis na bpáirtithe leasmhara inmheánacha agus seachtracha agus le tuairiscí atá le forbairt ó na sonraí atá ar fáil;
- A chomhaontú le haonaid OBB agus le forbróirí bogearraí/páirtithe leasmhara cé na sonraí ba cheart a asbhaint as na córais MapRoad a úsáideann an tAnailísí Tionscadail agus na modhanna atá le húsáid;
- Comhaontuithe comhroinnte sonraí a fhorbairt and a bhainistiú le geallsealbhóirí
- Ceadúnas bogearraí agus pribhléid úsáideora a bhainistiú le haghaidh ardáin lena n-áirítear an ESRI.
- Tuairiscí a chruthú agus a dhearadh ó na sonraí a asbhaintear as córais na hOBB;
- Tuairiscí comhaontaithe a chur i láthair idir luchtanna spéise teicniúla agus luchtanna spéise neamhtheicniúla mar chuid d'obair na hOBB;
- Tuairiscí ad hoc a fhorbairt faoi choinne ceistanna ar leith;
- Aipeanna bogearraí ESRI / deais do geallsealbhóirí agus úsáideora a scóip, a fhorbairt agus a thacú
- Oiliúint a chur ar bhail foirne in úsáid na dtuairiscí idirghníomhacha laistigh den OBB agus de chliant-eagraíochtaí.

3. Cáilíochtaí & Riachtanais an Phoist

Dhearbhaigh an tAire Tithíochta, Pleanála agus Rialtais Áitiúil gur mar seo a leanas a leagfar amach na cáilíochtaí atá de dhíth faoi choinne post mar Anailísí Tionscadail OBB:

(a) Carachtar:

Beidh dea-charachtar ag na hIarratasóirí.

(b) Sláinte

Beidh sláinte ag iarratasóirí a thabharfadh le fios go bhfuil siad ábalta seirbhís rialta, éifeachtach a chur ar fáil. Iarrfar ar na daoine a cheapfar dul faoi scrúdú leighis arna dhéanamh ag Dochtúir Sláinte Cheirde na Comhairle roimh a gceapachán.

(c) Oideachas, Oiliúnt, Taithí, Etc.

Ní mór d'iarrthóirí amhail an dáta deiridh a nglacfar le foirmeacha iarratais comhlánaithe:

- (i) (a) Grád D (nó pas) ar a laghad a bheith bainte amach acu, ag Ardleibhéalnó ag Gnáthleibhéal, sna hábhair i Scrúdú Bunaithe na hArdteistiméireachta nó i nGairmchlár na hArdteistiméireachta de chuid na Roinne Oideachais lena n-áirítear Gaeilge agus/nó Béarla agus ceann amháin díobh seo a leanas: Matamaitic, Cuntasáíocht, Eagraíocht Ghnó nó Eacnamaíocht **agus**

(b) Grád C (nó Onóracha) ar a laghad a bheith bainte amach acu i bpáipéir ardleibhéil (nó onóracha) i dtrí ábhar sa scrúdú sin (nó dhá ábhar má tá Gaeilge agus/nó ceann amháin díobh seo a leanas san áireamh: Matamaitic, Cuntasaíocht, Eagraíocht Ghnó nó Eacnamaíocht)

NÓ

(ii) caighdeán inchomórtais a bheith faighte acu i scrúdú coibhéiseach,

NÓ

(iii) cáilíocht triú leibhéal a bheith ina seilbh acu ar chaighdeán céime ar a Laghad

AGUS

(iv) taithí shásúil a bheith acu ar nósanna imeachta riaracháin, lena n-áirítear taithí phraiticiúil leordhóthanach in obair de chineál feidhmiúcháin, eagrú oifige agus rialú foirne.

(d) Riachtanais Inmhianaithe

Tá na critéir a leanas inmhianaithe ach níl siad riachtanach:

- Céim nó a cómhaith a bheith acu in aon cheann de na disciplíní a leanas:
 - Córais Faisnéise Geografaí nó a macasamhail
 - Matamaitic nó Staitisticí
- Iad a bheith inniúil in úsáid excel, córais faisnéise geografaí agus córais faisnéise gnó;
- Iad a bheith cleachta le bunachair sonraí e.g. Oracle agus Microsoft. NET;
- Scileanna oibrithe foirne agus scileanna cumarsáide scríofa agus ó bhéal den scoth a bheith acu, lena n-áirítear cumas torthaí anailísí teicniúla a chur in iúl do bhaill foirne neamhtheicniúla nó do bhaill den phobal;
- Taithí a bheith acu ar cheann amháin nó níos mó díobh seo a leanas a úsáid
 - MapInfo, AutoCAD Map, ArcGIS, QGIS, FME;
- Cumas a bheith acu oibriú as a stuaim féin sa chás ina mbeadh orthu bheith ag oibriú go cianda;
- Feasacht a bheith acu ar anailís polasaí poiblí agus eolas ar struchtúir agus airgeadas rialtais áitiúil.

4. Mionsonraí an Phoist

(a) Ginearálta

Tá Comhairle Contae Dhún na nGall ag iarraidh post sealadach mar **Anailísí Tionscadail, Oifig Bhainistíochta Bóithre** a líonadh.

(b) Promhadh

Beidh na hiarratasóirí a cheapfar ar promhadh ar feadh tréimhse thosaigh, a shocróidh an Chomhairle. D'fhéadfadh sé go ndéanfaí an tréimhse seo a shíneadh, faoi rogha na Comhairle.

(c) Luach Saothair

Is ionann an páscála náisiúnta bliantúil reatha agus: íosmhéid de €57,104 (pointe 1) go dtí uasmhéid de €74,236. (LSI 2) de réir ciorclán EL 01/2024).

Íocfar na daoine a cheapfar ag an pointe chuí ar an scála tuarastail ar aon dul le Ciorclán bainteach na Roinne.

Tosóidh iontrálaithe úra ag an íospointe ar an scála.

(d) Bunáit

Beidh an post lonnaithe san Ionad Seirbhísí Poiblí, Baile na nGallóglach leis an fhoireann in ann leas a bhaint as an obair chumaisc de réir Pholasaí Obair Chumaisc na Comhairle.

D'fhéadfadh sé go mbeadh roinnt taistil i gceist leis an ról, agus go mbeadh fanacht thar oíche i gceist le roinnt turas agus clúdófar na costais bhainteacha le liúntais iomchuí.

(e) Cónaí

Beidh na daoine a cheapfar ina gcónaí sa cheantar ina mbeidh na dualgais le feidhmiú nó faoi fhad réasúnta de.

(f) Uaireanta Oibre

35 uair an chlog sa tseachtain na gnáthuaireanta oibre a bheidh ag an té a cheapfar. Coinníonn an Chomhairle an ceart na huaireanta oibre a athrú ó am go chéile.

D'fhéadfadh sé, ó am go ham, go mbeadh roinnt oibre lasmuigh de ghnáthuaireanta oibre i gceist.

(g) Riachtanas Tiomána

Beidh ar Iarratasóirí:

- a. Ceadúnas Tiomána chatagóir B iomlán a bheith acu.

- b. A bhfeithicil féin a bheith acu lena úsáid le linn a gcuid dualgas agus is le liúntais chuí a chlúdófar na costais bhainteacha.

(h) Coinbhleachtaí Leasa

Ní ghabhfaidh sealbhóir an phoist d'aon slí bheatha shochrach, seachas mar fhostaí de chuid údarás áitiúil, a mhéid a dhéanfaidh dochar do chomhlíonadh a dhualgas nó a dualgas mar fhostaí d'údarás áitiúil nó d'aon slí bheatha a d'fhéadfadh a bheith ar neamhréir le leasanna an údaráis áitiúil nó a d'fhéadfadh a bheith ar neamhréir le comhlíonadh a dhualgas mar fhostaí de chuid údaráis áitiúil.

5. Próiseas Earcaíochta

A. Foirm Iarratais

- Caithfear iarratais a chur isteach ar an fhoirm iarratais oifigiúil agus caithfear gach cuid den fhoirm a chomhlánú.
- Ná cuir CV isteach le d'iarratas. Ní bhreithneofar ach faisnéis ar an fhoirm iarratais, nuair a bheidh oiriúnacht iarratasóra maidir leis an phost á meas.
- Caithfear iarratais a chur isteach mar iatán r-phoist amháin i bhformáid Word nó PDF chuig vacancies@donegalcoco.ie
- Caithfidh iarratais a bheith faighte againn faoin spriocdháta a shainítear ar an fhoirm.
- Ní dhéanfar aon iarratais atá mall, atá imithe ar strae nó a mbeidh moill leo, a mheas ach amháin más féidir fianaise oifigiúil a chur ar fáil a léiríonn gur seoladh an t-iarratas laistigh den achar ama.

B. Gearrliostú

Is féidir iarratasóirí a ghearrliostú faoi choinne agallaimh ar bhonn an eolais a chuirtear ar fáil. Sa chás go mbeidh gá le beart gearrliostaithe, tionólfar Painéal saineolaithe leis na foirmeacha iarratais a scrúdú agus a mheas de réir critéir réamhshocraithe, bunaithe ar riachtanais an phoist. Mar sin de, bheadh sé le do leas cuntas mion, beacht a thabhairt ar do cháilíochtaí agus do thaithí ar an fhoirm iarratais.

Má mheastar, mar gheall ar líon agus caighdeán na n-iarratas a gheofar, gur réasúnach gan gach iarratasóir a chur faoi agallamh, ní ghlaofar chun agallaimh ach daoine ar dócha go ngnóthódh siad caighdeán ar leor é chun iad a roghnú agus a mholadh faoi choinne ceapacháin.

Ná glactar leis gurb ionann duine a iontráil i gcomórtas nó cuireadh chun agallaimh a chur ar an duine sin agus a thabhairt le tuiscint go mbeadh

Comhairle Contae Dhún na nGall sásta go gcomhlíonann an duine sin riachtanais an phoist.

C. Ceart ar Fhaisnéis agus Athbhreithniú

Tá an Chomhairle tiomanta d'aiseolas agus faisnéis a thabhairt d'iarratasóirí. Iarratasóir ar bith ar mian leo, féadann sé/sí a iarraidh go n-athbhreithneofar an cinneadh nó an próiseas. Caithfear a leithéid d'iarratas a chur isteach i scríbhinn, ag cur in iúl na cúise atá leis an iarratas agus caithfear é seo a chur faoi bhráid na Rannóige Acmhainní Daonna, Ionad na dTrí Abhainn, Leifear, Co. Dhún na nGall faoi cheann cúig lá ó dháta fógartha cinneadh ábhartha.

D. Rúndacht

Faoi réir fhorálacha an Achta um Shaoráil Faisnéise 2014, is faoi rúndacht dhocht a phléifear le hiarratais.

E. Eile

Tá ceapacháin na Comhairle faoi réir seiceálacha sásúla maidir le teistiméireachtaí, cáilíochtaí, scrúduithe leighis agus Grinnscrúdú Garda, mar is infheidhme.

F. Cúis Dícháilithe í an Chanbhasáil

Dícháileofar ón phost láithreach iarratasóir ar bith a dhéanann iarracht (nó a ndéanann duine iarracht ar a s[h]on) oifigeach de chuid na Comhairle (nó duine a ainmníonn sí le hagallamh a chur ar iarratasóirí nó iad a scrúdú) a chanbhasáil nó tionchar a imirt air/uirthe ar son an iarratasóra, go díreach nó go hindíreach, bíodh sé i bhfoirm cumarsáid scríofa nó eile.

G. An Rialachán Ginearálta maidir le Cosaint Sonraí

Tá Comhairle Contae Dhún na nGall meáite ar do chuid sonraí pearsanta a chosaint agus comhlíonaimid ár gcuid oibleagáidí faoi na hAchtanna um Chosaint Sonraí, 1988 – 2018, agus faoin Rialachán Ginearálta maidir le Cosaint Sonraí.

- An Bunús ar a bPróiseáiltear do chuid Sonraí Pearsanta

Is é an bunús ar a bpróiseáiltear do chuid sonraí pearsanta ná d'fhonn d'iarratas ar an phost dár chuir tú isteach air le Comhairle Contae Dhún na nGall a phróiseáil faoi Théarmaí Acht Fostaíochta (Faisnéis) 1994 agus polasaithe agus gnáthaimh na Rannóige Acmhainní Daonna.

Nuair a fhaighimid d'fhoirm iarratais, cruthaímid taifead ríomhaire faoi d'ainm, ina mbíonn go leor de na sonraí pearsanta a chuir tú ar fáil ar d'fhoirm iarratais.

Ní úsáidtear an taifead pearsanta seo ach amháin chun d'iarratas a phróiseáil. Tá tú i dteideal, in am ar bith, cóip den fhaisnéis faoi dtaobh díot féin, atá á coinneáil ar taifead againn, a fháil.

- Comhroinnt na Faisnéise

Taobh amuigh den fhoireann earcaíochta iomchuí, ní dhéanfar na sonraí ar d'fhoirm iarratais

a chomhroinnt ach d'fhonn an comórtas ar chuir tú isteach air a chur chun cinn in éineacht le

Bord gearrliostaithe agus/nó agallaimh ainmnithe.

Más amhlaidh, i ndiaidh an chomórtais, go gcuirtear ar Phainéal thú agus go dtairgtear post duit,

beidh na sonraí a chuir tú ar fáil i d'fhoirm iarratais mar chuid den Chomhad Pearsanra s'agat.

De bhreis air sin, sa chás go dtairgfí post duit agus go ndearbhófá ina dhiaidh sin gur spéis leat

an post, bainfear úsáid as na sonraí ar d'fhoirm iarratais d'fhonn taifid seirbhíse agus teistiméireacht fostaíochta a iarraidh.

- Tréimhse Stórála

Coinneofar d'iarratas go ceann dhá bhliain ó dháta bunaithe an phainéil don phost seo. Déanfar iarratais nach gcuirfear ar aghaidh chuig céim an agallaimh a scriosadh i ndiaidh an chomórtais.

Is féidir teacht ar Ráiteas Príobháideachta Chomhairle Contae Dhún na nGall ag:

www.donegalcoco.ie